

Navrae
Enquiries
IMibuzo
Telefoon
Telephone
IFoni
Faks
Fax
IFeksi
Verwysing
Reference
ISalathiso

MR I.J. MORKEL
(021) 467-2000
(021) 467-2996
13/12/6/B
20000728-0004



Wes-Kaap Onderwysdepartement

Western Cape Education Department

ISebe leMfundo leNtshona Koloni

ISETYHULA 0112/2000

IYA:

KUBO BONKE ABALAWULI ABAZIINTLOKO, ABALAWULI (KWANDLUNKULU), ABAPHATHI BEENGINGQI NABEESEKETHE, ABACEBISI KWIZIFUNDO NAKWIINTLOKO ZAWO ONKE AMAZIKO EMFUNDO

UMGAQO-NKQUBO OMALUNGA NEENTSUKU ZEMIGCOBO YEZENKOLO OKANYE YEZENKCUBEKO NGETHUBA LEEKOTA ZESIKOLO

1. ISebe leMfundo leNtshona Koloni lacacisa kumhlathi 3 weSetyhula 101/99, ebhalwe umhla we-13 Septemba 1999, emalunga nekhalenda yesikolo kunye neeholide zoluntu ezingexesha lokuqhubeka kweekota zesikolo kulo we-2000, ukuba urhoxisiwe umnyinyiva (*concession*) wokuvuyela usuku lwezenkolo okanye lwezenkcubeko olungeyoholide yoluntu.
2. Nakuba kunjalo, ziyacelwa iinqununu namabhunga olawulo ezikolo ukuba athathele ingqalelo into yokuba **umGaqo-nkqubo kaZwelonke wokuMisela iintsuku zeKhalenda yeZikolo zikaRhulumente eziQhelekileyo eMzantsi-Afrika ubhengezwe nguMphathiswa weMfundo kaZwelonke kwiGazethi kaRhulumente 20945, ebhalwe umhla woku-1 Matshi 2000, ekuthiwa kuyo amabhunga olawulo ezikolo angenza isicelo kwiNtloko yeSebe leMfundo sokuvala isikolo elona thuba lide eliziintsuku ezimbini ngonyaka ukulungiselela injongo yokuvuyela iintsuku zezenkolo, zezenkcubeko okanye yokuqhuba ezemidlalo.**
3. **IINTSUKU ZEZENKOLO**
- 3.1 Ngokomgaqo-nkqubo okhankanywe apha ngasentla, ibhunga lolawulo lesikolo linokusebenzisa ilungelo lokuvala isikolo ukukhumbula isiganeko sezenkolo phantsi kwezi meko zifandelayo:
 - (i) Uninzi lwabafundi malube lungamalungu alo nkolo ichaphazelekayo.
 - (ii) Isikolo sinokuvala elona thuba lide eliziintsuku EZIMBINI kuphela ngonyaka ukulungiselela injongo yokuvuyela iintsuku zezenkolo.

- (iii) Ukuba kusetyenziswe elona thuba lide eliziintsuku ezimbini ukulungiselela injongo yokuvuyela iintsuku zezenkolo, ezi ntsuku ziya kungena endaweni yeentsuku ezimbini ezabelwa ezemidlalo nezenkcubeko njengoko kucacisiwe kumhlathi 4.
- (iv) Izikolo mazijonge kuqala ezona zinto zazo zokuqala zibaluleke kakhulu ekufuneka zizenzile xa zikhetha ezo ntsuku isikolo siya kuvala ngazo.
- (v) Ibhunga lolawulo lesikolo malenze isicelo esibhaliweyo kumphathi wengingqi, emasigale kumphathi wesekethe, xa licela imvume yokuvala isikolo yaye malinike ezi nkukacha zilandelayo:
- ubungakanani (ipesenti nenani) besininzi saloo nkolo esikolweni eso;
 - usuku olwenzelwa (iintsuku ezenzelwa) isicelo;
 - ngaba isikolo siza kulubuyisa njani olo suku (ezo ntsuku) lwesikolo lusetyenziselwe eso sikhumbuzo.
- (vi) Izikolo ezivale ngenxa yezizathu zezenkolo kusafuneka zigcine inani leentsuku zesikolo elivunyiweyo leli phondo.

3.2 Kufuneka amabhunga olawulo ezikolo aqinisekise ukuba amaqela ezenkolo aligcuntswana esikolweni akadlwa ndlala nangayiphi na indlela. Abafundi abakumaqela ezenkolo aligcuntswana ezikolweni banganikwa imvume yokuthatha iintsuku zezenkolo ezimbini ezaziwayo bangezi ngazo esikolweni. Abafundi abathi ngenxa yezizathu zezenkolo bangezi esikolweni ngezo ntsuku zesikolo zimbini zichaphazelekayo, mabamakishwe njengabakhoyo esikolweni. Aba bafundi mabangamiswa kakubi ngokwasezifundweni ngenxa yesizathu sokungabikho kwabo: ukwenza umzekelo, makungabhaliswa zimviwo okanye zimvavanyo ngezo ntsuku bangekhoyo.

3.3 Ootitshala abanqwenela ukukhumbula usuku lwezenkolo olungosuku lwesikolo kunyanzelekile ukuba bafake isicelo sekhefu ngaphandle kwaxa isikolo sivalwe njengoko kuchaziwe kumhlathi 3.1.

4. IINTSUKU ZEZEMIDLALO NEZENKCUBEKO

4.1 Zimbini ngonyaka ezona ntsuku zinanzi ezinokwabelwa izikolo ukulungiselela le njongo. Amabhunga olawulo ezikolo makenze isicelo kumphathi wengingqi acele imvume yokusebenzisa iintsuku ezilolu hlobo ekuqhubeni imidlalo yesikolo kunye nemigcobo yezenkcubeko.

4.2 Ii-ofisi zeengingqi mazigcine irekhodi yenani lezicelo ezifunyenweyo, amagama ezikolo ezichaphazelekayo, izizathu zokwenza izicelo ezilolu hlobo kunye nenani lezicelo ezivunyiweyo.

5. Oku kulapha ngasentla kuya kuqala ukusebenza xa kuqala unyaka wesikolo we-2001.

6. Ziyacelwa iinqununu ukuba zazise bonke abachaphazelekayo okuqalathwe yile setyhula.

B.P. O'Connell

B.P. O'CONNELL
INTLOKO: YESEBE LEMFUNDU
UMHLA:

22/8/00

2000-09-07
PRIVAATSAK/PRIVATE BAG
KAAPSTAD/CAPE TOWN/KAPA 8000

